

**ՀԱՇՎԵՏՎՈՒԹՅՈՒՆ**  
**ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՎԵՐԱԲԵՐՅԱԼ**

**Անուն, ազգանուն, զբաղեցրած պաշտոն՝** Կարեն Անդրեասյան,  
Միջազգային իրավական հարցերով ներկայացուցիչ

**Գործուղման վայրը և ժամկետը՝**

- Ֆրանսիայի Հանրապետություն, ք. Փարիզ 2026 թվականի մարտի 21-ից մարտի 28-ը ներառյալ,

**Գործուղման նպատակը՝**

• Ֆրանսիայի Հանրապետություն, ք. Փարիզ աշխատանքային այցի նպատակը՝ «Փարիզի արբիտրաժային շաբաթ 2026» (Paris Arbitration Week) միջազգային համաժողովի շրջանակներում կայացած բարձր մակարդակի քննարկումներին և մասնագիտական միջոցառումներին մասնակցություն:

**Հանդիպումները, բարձրացված կամ քննարկված հարցեր՝**

Փարիզում կայացած աշխատանքային այցի շրջանակներում իրականացվել է մասնակցություն մի շարք քննարկումների, որոնք առանցքային նշանակություն ունեն միջազգային արբիտրաժային վարույթներում պետության շահերի արդյունավետ ներկայացման և իրավական պաշտպանության մեխանիզմների կատարելագործման համար:

Մասնավորապես, քննարկման առարկա են դարձել առևտրային և ներդրումային արբիտրաժների միջև առկա իրավական սահմանափակումները, ինչպես նաև ներդրումային պայմանագրերից բխող վեճերի առանձնահատկությունները: Առանձնահատուկ ուշադրություն է դարձվել Ֆրանսիայում արբիտրաժային վճիռների չեղարկման վարույթների վերջին զարգացումներին և գործնական մոտեցումներին, ինչը կարևոր է ֆրանսիական իրավազորության ներքո ընթացող գործընթացների կանխատեսելիության ապահովման տեսանկյունից:

Այցի ընթացքում քննարկվել են նաև կառուցապատման ոլորտի արբիտրաժային վարույթներում պայմանագրերի դադարեցման և վնասի չափի հաշվարկման բարդ խնդիրները, ինչպես նաև ներկայիս աշխարհաքաղաքական փոփոխվող իրավիճակում արբիտրաժի չեզոքության և արդյունավետության նոր չափանիշները: Մասնակցություն է ապահովվել կլոր-սեղան քննարկմանը, որի ընթացքում անդրադարձ է կատարվել ապագա հնարավոր վեճերի կանխարգելմանը և կառավարման ռազմավարություններին:

Աշխատանքային քննարկումներն իրենց մեջ ներառել են նաև մինչև 2030 թվականը միջազգային արբիտրաժի ապագա միտումները, ներառյալ՝ ռիսկերի կառավարումը, նոր կարգավորումները և հակահայցային արգելանքների կիրառման աճող պրակտիկան՝ անկայուն իրավական միջավայրերում:

Համաժողովի շրջանակներում Միջազգային իրավական հարցերով ներկայացուցիչը մի շարք հանդիպումներ և քննարկումներ է անցկացրել միջազգային հեղինակավոր իրավաբանական ընկերությունների ներկայացուցիչների և արբիտրաժային ոլորտի ճանաչված մասնագետների հետ:

## Հարգանքով՝ Կարեն Անդրեասյան



Recoverable Signature

X

Ստորագրող  
ԿԱՐԵՆ ԱՆԴՐԵԱՍՅԱՆ  
2009770196

2025-04-01 12:22:21 GMT+4  
Հավաստված է էԿԵՆՎ-ի կողմից



---

Signed by: ANDREASYAN KAREN 2009770196

**01.04.2026թ.**